



Кун нафаси

ШАВКАТ МИРЗИЁЕВ ДАВЛАТ ТАШРИФИ БИЛАН ҚИРҒИЗИСТОНДА БУЛАДИ

Ўзбекистон Республикаси Президенти Шавкат Мирзиёев Қирғиз Республикаси Президенти Садиρ Жапаровнинг таклифига биноан 26-27 январь кунлари давлат ташрифи билан Қирғизистонда бўлади. Икки мамлакат етакчиларининг учрашувлари Бишкек шаҳрида бўлиб ўтади.

ИЖРО ЭТУВЧИ ҲОКИМИЯТ ОРГАНЛАРИ ФАОЛИЯТИ ТАКОМИЛЛАШТИРИЛАДИ

Давлатимиз раҳбари «Республика ижро этувчи ҳокимият органлари фаолиятини самарали йўлга қўйишга доир биринчи навбатдаги ташкилий чора-тадбирлар тўғрисида»ги фармонга имзо чекди.

КАМБАҒАЛЛИК ДАРАЖАСИ 14 ФОИЗГА ТУШГАН

Президент Шавкат Мирзиёев раислигида камбағалликни қисқартириш, аҳоли бандлигини таъминлаш ва кичик бизнесни қўллаб-қувватлаш масалалари бўйича видеоселектор йиғилиши ўтказилди.

Йиғилишда давлатимиз раҳбари камбағалликни қисқартириш миллий сиёсат даражасига олиб чиқилганини таъкидлади. Натижада ўтган йилнинг ўзига камбағаллик даражаси 17 фоиздан 14 фоизга тушгани, бунда ҳоким ёрдамчилари 1 миллион нафар аҳолини касб-хунарга ўқитиб, тадбиркорлигини бошлашга кўмаклашилгани, даромадли иш билан банд қилингани муҳим омил бўлгани қайд этилди.

ГАЗ СОҲАСИДА ҲАМКОРЛИК БЎЙИЧА «ЙЎЛ ХАРИТАСИ»

Жорий йил 24 январь куни Ўзбекистон Республикаси Энергетика вазирлиги ва «Газпром» компанияси ўртасида газ соҳасида ҳамкорлик бўйича музокаралар ўтказилди ва унда Россиядан Ўзбекистонга табиий газ етказиб беришнинг техник имкониятлари муҳокама қилинди.

Имзоланган «Йўл харита»га мuvoфиқ томонлар ўртасида тузилган Ишчи гуруҳ Қозоғистон ва Ўзбекистон ҳудудидан ўтувчи «Ўрта Осиё – Марказ» газ қувури орқали газ транзитини амалга ошириш учун зарур бўладиган техник чора-тадбирлар ҳусусида келишиб олишди.

Ўзбекистон Энергетика вазирлигининг баёнотида таъкидланишича, «Йўл харитаси»да Ўзбекистон Республикасининг мавжуд газ транс-порти тизимига эгаллик ҳуқуқини тўлиқ сақлаган ҳолда ички бозорга табиий газ зарур миқдорларда етказиб бериш мақсад қилинган. Бунда газ транспорт тизими кимгадир берилиши ёки суверенитетимизга қандайдир таҳдид умуман йўқ.

ШЭС УЧУН УСКУНАЛАР КЕЛТИРИЛМОҚДА

Бирлашган Араб Амирликларининг «Масдар» компанияси томонидан Навойй вилоятининг Томди туманида қуввати 500 МВт бўлган шамош электр станцияси қуришмоқда. Жорий йил якунида ишга тушириладиган мазкур шамош электр станцияси Марказий Осиёда ана шундай лойиҳалар ичида энг йириги ҳисобланади. Айни вақтда ШЭС учун ускуналар махсус транспорт-да олиб келиняпти.

«103» ХИЗМАТЛАРИГА ТЕЗ ТИББий ЁРДАМ АВТОМАШИНАЛАРИ

Соғлиқни сақлаш вазирлиги ҳамда Жиззах автомобиль заводи ўртасида имзоланган шартномага мувофиқ юртимизда ишлаб чиқарилган А тоифали «Volkswagen Caddy» тез тиббий ёрдам автомобиллари ҳудудлардаги «103» хизматларига топширилди.

ПАНДЕМИЯ ТУГАМОҚДАМИ?

Жаҳон соғлиқни сақлаш ташкилоти Фавқулдат кўмитасининг шу ҳафта бўлиб ўтадиган йиғилишида бундан буён COVID-19 глобал пандемия бўлиб қолиши ёки қолмаслигини аниқлаш масаласини кўриб чиқади. Бу ҳақда ЖССТ раҳбари Тедрос Адханом Гебрейесус маълум қилди.

ХОРИЖЛИК САЙЎХЛАРГА ЯНГИ ТУРДАГИ ВИЗА

Саудия Арабистони ҳукумати хорижликларга янги турдаги виза беришни йўлга қўймоқда. У 96 соатга мўлжалланган транзит виза бўлади. «Сизнинг чиптангиз-визангиз» деб номланган мазкур лойиҳа доирасида меҳмонлар маҳаллий диққатга сазовор жойларни кўриши ёки ҳаж амаллари-ни бажариши мумкин бўлади. Saudia авиакомпаниясининг йўловчилари транзит визасини 2023 йилнинг биринчи ярмидан бошлаб онлайн режимда бронлаштириши мумкин, деб ёзмақда Азертаж агентлиги.

Ishonch

Yurt taraqqiyoti yo'lida birlashaylik!

2023-yil 26-yanvar payshanba № 12 (4764)

O'zbekiston kasaba uyushmalari Federatsiyasi nashri • Gazeta 1991-yil 21-martdan chiqa boshlagan

Наманган вилояти

ХОДИМЛАР ЎЗ «ПОСТИГА» СОДИҚ

Улар учун муносиб шароит яратилмоқдами?

Меҳнат муҳофазаси

Ободонлаштириш, ҳудудгаз, электр тармоқлари каби тизим ходимлари совуқни-совуқ деммай зиммасидаги вазифани сидқидилдан бажарётганини кўрган-билган киши борки, уларга самимий миннатдорлик билдирмоқда. Касаба уюшмалари эса ана шундай заҳматкашларнинг меҳнат муҳофазаси, иш жараёнидаги шарт-шароитлардан бохабар бўлиш мақсадида жойларга чиқиб, ўрганишлар олиб бормоқда.



Шу вақтга қадар Ўзбекистон касаба уюшмалари Федерациясининг Наманган вилояти кенгаши меҳнат-техник, меҳнат-ҳуқуқ инспекторлари ҳамда меҳнатни муҳофаза қилиш бўйича мутахассислари бир қатор корхона ва ташкилотларда бўлишди. Жамоатчилик назорати асноси ходимларга яратилаётган шароитлар, уларга махсус кийим-бош, шахсий ҳимоя воситалари, овқатланиш учун зарур бўладиган техник меъёрларига риоя қилиниши ҳола-

тига алоҳида эътибор қаратилди.

– Хонадонларга бекаму кўст тоза ичимлик сувини етказиб берувчи «Наманган сув таъминоти» МЧЖда айни пайтда 592 та сув иншооти, жумладан, 543 та сув олиш, 49 та сув узатиш ва тарқатиш иншооти ҳамда 5836,2 км. ичимлик суви тармоқлари мавжуд, – дейди меҳнат-техник инспектори Мирзанозир Қорабоев. – Ўрганишлардан кўринадики, тасдиқланган жадвалга асосан «Наманган сув таъминоти» МЧЖ бўйича 2022-2023 йиллар учун куз-қиш мавсумида тизимнинг барқа-

рор ишлаши учун вилоят штаби ҳамда фавқулдат ҳолатлар учун «Авария ҳолатларини бартараф этиш» штаби ташкил этилган.

Айни вақтда авария ҳолатларини бартараф этиш гуруҳлари сони 23 та бўлиб, гуруҳ аъзолари сони 251 нафарни ташкил этади ва уларга 46 та махсус техника воситаси сафарбар этилган. Бундан ташқари, фавқулдат ҳолатларда аҳолига 20 та махсус транспорт воситаси орқали ичимлик суви етказиб берилмоқда.

Ўрганишлардан ҳудудлардаги бўл-

имларда ходимлар махсус кийим-бош, шахсий ҳимоя воситалари, овқатланиш ва дам олиш хоналари билан таъминлангани ҳамда хавфсизлик техникаси йўриқномалари вақтида ўтказилгани аниқланди.

Шунингдек, «Худудий электр тармоқлари» АЖда фавқулдат ҳолатларни тезкорлик билан бартараф этиш учун 77 та тезкор-ишчи бригада ташкил этилган бўлиб, уларга зарурий автотранспорт воситалари бириктирилган ҳамда иш жараёнида керак бўладиган барча анжомлар би-

Орзуғул РУСТАМОВА «ISHONCH»

Қашқадарё вилояти

«Ўзбектелеком» акциядорлик компаниясига! Мойлижарга 4G қачон келади?

Биз Кўқдала тумани, Мойлижар қишлоғи, «Талоқтепа» маҳалласида яшаймиз. Қишлоқ ҳудудида «Ucell» алоқа оператори томонидан антенна ўрнатилган ва аксарият аҳоли мазкур компания хизматларига уланган.

Аммо компаниянинг интернет хизмати бизни умуман қаноатлантирмайпти. Масалан, «Хорижда ишлаётган қариндошлар билан Телеграм ёки IMO орқали ҳол-аҳвол сўрашайлик» десак, бунга интернет алоқаси сифати пастлиги имкон бермапти. Бундан ташқари, мактаб ўқитувчи ва ўқувчилари интернетдан ўзлари учун зарур ахборотни олишда қийналишяпти.

Мазкур муаммо ечимида, яъни Мойлижар қишлоғида «Ucell» алоқа оператори учун 4G тармоғи ўрнатилишида амалий ёрдам сўраб, қишлоқнинг 100 нафардан ортиқ фуқароси компания директори Андрей Шишковскийга ҳам мурожаатнома йўлладик. Аммо ҳалигача ҳеч қандай ўзгариш йўқ.

Мазкур масала ижобий ечим топиши учун кимга мурожаат қилиш керак? Умуман, бизнинг дардимизни ҳам кимдир тинглайдими?

Бахтиёр ҒАНИЕВ Кўқдала тумани

Андижон вилояти



«Ishonch»да чоп этилгач...

Чорак асрлик орзу ушалмоқда

25 йилдан буён тоза ичимлик суви нима эканини билмай келаётган маҳалламиз аҳли энди тоза ичимлик суви билан таъминланадиган бўлди.

Бунга «Ishonch» газетасининг «Долзарб мавзу» руқни остида чоп этилган «Ҳар дастурда шу бўлар тақдор, аммо...» сарлавҳали мақола сабаб бўлди.

«Ishonch» газетаси аралашуви билан ушбу муаммо инвестиция дастурига киритилди ҳамда лойиҳа март ойида ижрога қаратилиши келишиб олинди.


Маҳалланинг фаол инсонлари Йўлдош Исоқонов, Муқаддасхон Йўлдошевларнинг саъй-ҳаракатлари ҳам бунда муҳим аҳамият касб этди.

Шунингдек, мазкур ибратли ишга бош-қош бўлишда 3-сектор раҳбари, туман ички ишлар бўлими бошлиғи, подполковник Муроджон Болтабоев, «Ифтихор» маҳалла фуқаролар йиғини раиси Шухратбек Мамажоновнинг ҳам хизмати катта.

Буғун биз хурсандмиз, nasib бўлса, Инсонга эътибор ва сифатли таълим йилида чорак асрлик орзумиз ушаладиган бўлиб турбди.

Избоскан тумани, Янгиқишлоқ қишлоғи, «Ифтихор» маҳалласи аҳли

КЕЛГУСИ СОНЛАРДА ЎҚИНГ...



КАТЛАРДА ҲАЁТ АКСИ



АРОСАТДА ҚОЛГАН ТАЛАБАЛАР



«ХАРҚАША ҚИЛМА, ЖОН БОЛАМ!»

